

Christian Schwarz-Schilling i Javier Solana razgovarali o angažmanu međunarodne zajednice u BiH

Specijalni predstavnik EU i visoki predstavnik u BiH Christian Schwarz-Schilling i generalni sekretar Evropskog vijeća i visoki predstavnik EU, Javier Solana su danas u Briselu razgovarali o pomacima koje ostvaruje Bosna i Hercegovina u integraciji u evro-atlantske strukture i planovima za fundamentalnu promjenu angažmana međunarodne zajednice u BiH.

Složili su se oko činjenice da lideri u BiH moraju preuzeti odgovornost za budućnost, da moraju shvatiti izazove integracije EU i pokazati da su sposobni da iz realiziraju da bi tranzicija prema odgovornosti lokalnih organa u BiH bila uspješna.

Tranzicija Ureda visokog predstavnika u Ured specijalnog predstavnika EU bit će jedna od glavnih tema sastanka Vijeća za provedbu mira koji će se održati u Sarajevu, 22. i 23. juna ove godine.

Dok se mandat OHR-a izvlači iz Daytonskog mirovnog sporazuma, mandat Specijalnog predstavnika EU proizlazi iz Vijeća Evropske unije. EUSR je odgovoran za praćenje i pružanje pomoći BiH na njenom putu prema integraciji u EU.

Tranzicija OHR-a u EUSR se predviđa da bude završena do prve polovice 2007. godine. Ova tranzicija uzima u obzir napredak koji je BiH već načinila na putu oporavka i putu ka evro-atlantskim integracijama.

“Međutim, ovo nije jednostran process,” rekao je dr Schwarz-

Schilling. "Međunarodna zajednica mijenja prirodu svoga angažmana, ali političke strukture u BiH moraju biti proaktivne u rješavanju izazova koji iz ovoga proističu."

"U ovom trenutku, problem je kod BiH, a ne kod EU. Maksimalistički pristup ustavnoj reformi i ambivalentan pristup policijskoj reformi dva su razloga za spore pomake BiH. Bojkot Parlamenta BiH od strane srpskih predstavnika i huškačke izjave u pogledu navodnog referenduma ističu upravo one slabosti za koje je zabrinuta EU."

Visoki predstavnik je rekao da je primoran da donese zaključak da su neki politički lideri u BiH spremni da ugroze interese i izgleda za lijepu budućnost građana BiH zbog dobijanja, kako oni misle, političkih poena.

Christian Schwarz-Schilling će se u toku dana također u Briselu sastati i sa Benitom Ferrero-Waldner, komesarom EU za vanjske odnose i evropsku politiku prema susjedima.